

Қазақстан Республикасының кейбір заң актілеріне өзгерістер мен толықтырулар енгізу туралы

Қазақстан Республикасының 1996 жылғы 15 шілдедегі N 30-І Заңы

Заңды тұлғаларды тіркеу тәртібін оңайлату мақсатында Қазақстан Республикасының мынадай заң актілеріне өзгерістер мен толықтырулар енгізілсін:

1. "Мемлекеттік нотариат туралы" 1974 жылғы 13 тамыздағы Қазақ КСР Заңына (Қазақ КСР Жоғарғы Кеңесінің Жаршысы, 1974 ж., N 35; 1979 ж., N 16);

1) 6 0 - б а п :

Мынадай мазмұндағы үшінші бөлікпен толықтырылсын:

"Мемлекеттік нотариаттар бір тілден екінші тілге аударылған құжаттағы аудармашының қойылған қолының түпнұсқа екендігін куәландырады".

Үшінші бөлік төртінші бөлік деп есептелсін;

2) 61-баптың екінші бөлігі алынып тасталсын.

2. Қазақ КСР Жоғарғы Кеңесі 1984 жылғы 22 наурызда қабылдаған Қазақ КСР-інің Әкімшілік құқық бұзушылық туралы кодексінде (Қазақ КСР Жоғарғы Кеңесінің Жаршысы, 1984 ж., N 14 (қосымша); 1984 ж., N 41, 534-құжат; 1985 ж., N 19, 190, 191-құжаттар; N 32, 325-құжат; N 45, 457-құжат; N 49, 513-құжат; 1986 ж., N 13, 122-құжат; N 25, 242-құжат; N 31, 320-құжат; N 49, 506-құжат; 1987 ж., N 2, 19-құжат; N 16, 201-құжат; N 29, 356-құжат; N 32, 421-құжат; N 41, 503-құжат; N 46, 560-құжат; 1988 ж., N 35, 324-құжат; 1989 ж., N 16, 129-құжат; N 27, 208-құжат; N 45, 364-құжат; N 49, 444-құжат; NN 50-51, 458-құжат; 1990 ж., NN 12-13, 114-құжат; N 44, 410-құжат; N 48, 445-құжат; N 49, 461-құжат; 1991 ж., N 25, 318-құжат; N 26, 348-құжат; N 28, 373-құжат; Қазақстан Республикасы Жоғарғы Кеңесінің Жаршысы, 1992 ж., N 4, 96-құжат; N 4, 98-құжат; N 4, 100-құжат; NN 13-14, 323-құжат; N 15, 380-құжат; N 16, 400-құжат; 1993 ж., N 3, 42-құжат; N 4, 70-құжат; N 8, 159-құжат; N 8, 161-құжат; N 9, 220-құжат; N 9, 222-құжат; N 20, 468-құжат; N 20, 469-құжат; 1994 ж., NN 4-5, 60-құжат; N 8, 134-құжат; N 15, 207-құжат; NN 21-22, 272-құжат; 1995 ж., NN 1-2, 17-құжат; N 5, 41-құжат; N 8, 55-құжат; NN 9-10, 64-құжат; NN 15-16, 105-құжат; NN 17-18, 110-құжат; Қазақстан Республикасы Парламентінің Жаршысы, 1996 ж., N 1, 177-құжат).

1) Кодекс мынадай мазмұндағы 169-3 баппен толықтырылсын:

"169-3-бап. Қызметті заңды тұлғаны, филиалды, өкілдікті тиісінше қайта тіркемей жүзеге асыру

Қызметті заңды тұлғаны, филиалды, өкілдікті қайта тіркемей жүзеге асыру Қазақстан Республикасының қолданылып жүрген заңдарында көзделген реттерде, - лауазымды адамдарға жиырмадан қырыққа дейінгі ең төмен жалақы мөлшеріндегі

сомада айыппұл төлетуге әкеп соғады";

2) 237-7-баптың бірінші бөлігі "169-1" деген цифрдан кейін "169-3" деген цифрмен толықтырылсын.

3. "Жеке кәсіпкерлікті қорғау және қолдау туралы" 1992 жылғы 4 шілдедегі Қазақстан Республикасы Заңының (Қазақстан Республикасы Жоғарғы Кеңесінің Жаршысы, 1992 ж., N 16, 424-құжат; 1995 ж., N 20, 120, 121-құжаттар) 9-бабы 2-тармағының үшінші абзацы мынадай редакцияда жазылсын:

"Карточкаға азамат қол қояды, қойылған қолдың түпнұсқа екендігі жеке өзі карточка тапсырған кезде тұлғаны куәландыратын құжатты көрсету арқылы расталады, ал карточка пошта арқылы жіберілген ретте - нотариат куәландырады".

4. Қазақстан Республикасының Жоғарғы Кеңесі 1994 жылғы 27 желтоқсанда қабылдаған Қазақстан Республикасының Азаматтық кодексіне (жалпы бөлім) (Қазақстан Республикасы Жоғарғы Кеңесінің Жаршысы, 1994 ж., NN 23-24 (қосымша); 1995 ж., NN 15-16, 109-құжат; 1995 ж., N 20, 121-құжат; Қазақстан Республикасы Парламентінің Жаршысы, 1996 ж., N 2, 187-құжат).

1) 38-баптың 1-тармағында:

төртінші абзацтағы "басқа елдерде қабылданған ұйымдық-құқықтық нысандар белгілерін; осы кодексте көзделмеген терминдерді" деген сөздер алынып тасталсын;

бесінші абзац алынып тасталсын;

2) 41-баптың 5-тармағы мынадай редакцияда жазылсын:

"5. Заңды тұлғаның жарғысында, онда оның атауы, тұрғылықты орны, басқару органдарын құру тәртібі және олардың құзыреті, оның қызметін қайта құру мен тоқтату ережелері белгіленеді.

Егер заңды тұлғаны бір адам құрса, онда оның жарғысында мүлікті құру және кірістерді бөлу тәртібі де белгіленеді.

Жарғыда заңдарға қайшы келмейтін басқа да ережелер болуы мүмкін";

3) 42-баптың 4-тармағы мынадай мазмұндағы екінші абзацпен толықтырылсын:

"Филиалдар мен өкілдіктер атаулары өзгерген жағдайда қайта тіркелуге жатады";

42-баптың 6-тармағы мынадай редакцияда жазылсын:

"6. Заңды тұлға мынадай жағдайларда:

1) жарғылық қорының мөлшері азайғанда;

2) атауы өзгергенде;

3) ашық акционерлік қоғамдарды қоспағанда, шаруашылық серіктестігіне қатысушылардың құрамы өзгергенде қайта тіркелуге тиіс.

Аталған негіздер бойынша құрылтай құжаттарына енгізілген өзгерістер заңды тұлға қайта тіркелмейінше жарамсыз болып табылады.

Құрылтай құжаттарына басқа өзгерістер мен толықтырулар енгізілген ретте заңды тұлға бұл туралы тіркеуші органды бір айлық мерзімде хабардар етеді";

4) 43-баптың 4-тармағы мынадай редакцияда жазылсын:

"4. Қоғамдық бірлестіктердің құрылымдық бөлімшелерінің (филиалдары мен өкілдіктерінің) басшылары қоғамдық бірлестіктің жарғысында және оның филиалдары немесе өкілдіктері туралы ережеде көзделген тәртіппен сайланады.

Діни бірлестіктердің құрылымдық бөлімшелерінің (филиалдары мен өкілдіктерінің) басшылары діни бірлестіктің жарғысында және оның филиалы немесе өкілдігі туралы ережеде көзделген тәртіппен сайланады не тағайындалады.

Өзгеше нысандағы заңды тұлғалардың филиалдары мен өкілдіктерінің басшыларын заңды тұлға уәкілдік берген орган тағайындайды және оның сенімхаты негізінде жұмыс істейді".

5) 50-баптың 3-тармағының бірінші абзацы мынадай редакцияда жазылсын:

"Тарату комиссиясы заңды тұлғаны тарату туралы, сондай-ақ оның несие берушілерінің талаптарын мәлімдеу тәртібі мен мерзімі туралы ақпаратты орталық әділет органының ресми баспасөз басылымдарында жариялайды. Талаптарды мәлімдеу мерзімі тарату туралы жарияланған кезде бастап екі айдан кем бола алмайды".

6) 59-баптың 1-тармағының:

бірінші абзацындағы "соның ішінде санаткерлік меншік" деген сөздер "санаткерлік меншік нәтижесі құқығын қоса алғанда" деген сөздермен ауыстырылсын; мынадай мазмұндағы үшінші абзацпен толықтырылсын:

"Шаруашылық серіктестігін қайта тіркеген кезде оған қатысушының салымын ақшалай бағалау серіктестіктің бухгалтерлік құжаттарымен не аудиторлық қорытындымен расталуы мүмкін";

7) 62-баптың 1-тармағындағы "екінші түрі" деген сөздерден кейін "не өндірістік кооперативтер" деген сөздермен толықтырылсын;

8) 77-баптың 4-тармағындағы екінші абзац мынадай редакцияда жазылсын:

"Жауапкершілігі шектеулі серіктестік акционерлік қоғам немесе өндірістік кооператив болып қайта құрылуға құқылы";

9) 93-баптың 2-тармағы мынадай редакцияда жазылсын:

"2. Акционерлік қоғам жауапкершілігі шектеулі серіктестік немесе өндірістік кооператив болып қайта құрылуға құқылы".

5. 1994 жылғы 27 желтоқсандағы "Шетелдік инвестициялар туралы" Қазақстан Республикасы Заңына (Қазақстан Республикасы Жоғарғы Кеңесінің Жаршысы, 1994 ж., NN 23-24, 280-құжат; 1995 ж., N 20, 120-құжат):

1) 15-бапта:

1-тармақ мынадай редакцияда жазылсын:

"1. Шетел қатысатын кәсіпорынның жарғылық қорын қалыптастырудың мөлшері, тәртібі мен мерзімі Қазақстан Республикасының заңдарына сәйкес белгіленеді";

4-тармақтағы "үлесі және бағасы" деген сөздер "үлестері" деген сөздермен ауыстырылсын және "тәуелсіз аудиторлық тексеруге тиіс" деген сөздер "Қазақстан Республикасының заң актілерінде белгіленген тәртіппен жүргізіледі" деген сөздермен

а у ы с т ы р ы л с ы н ;

6 - тармақ алынып тасталсын;

7-тармақ "акциялар" деген сөзден кейін "жабық" деген сөзбен толықтырылсын;

7-тармақ 6-тармақ деп есептелсін;

2) 16-баптағы 2-тармақтың "А" және "Б" тармақшалары мынадай редакцияда ж а з ы л с ы н :

"а) шетелдік заңды тұлға үшін сот субъект өз елінің заңдары бойынша заңды тұлға болып табылатынын куәландыратын сауда тізілімінен алынған көшірме немесе басқа құжат, нотариат бекіткен қазақ немесе орыс тілдеріндегі аудармасымен бірге;

б) шетелдік жеке тұлға үшін жеке тұлғаның өзін куәландыратын паспортының немесе басқа құжатының көшірме нұсқасы, нотариат бекіткен қазақ немесе орыс тілдеріндегі аудармасымен бірге";

3) 20-баптың 2-тармағы мынадай редакцияда жазылсын:

"2. Шетелдік заңды тұлғалардың филиалдары мен өкілдіктерін тіркеу Қазақстан Республикасы заңды тұлғаларының филиалдары мен өкілдіктерін тіркеу үшін Қазақстан Республикасы заңдарында белгіленген ортақ ережелер бойынша жүргізіледі. Тіркеуге арналған құжаттар нотариат бекіткен қазақ немесе орыс тілдеріндегі аудармасымен бірге табыс етіледі".

6. Қазақстан Республикасы Президентінің "Заңды тұлғаларды мемлекеттік тіркеу туралы" 1995 жылғы 17 сәуірдегі N 2198 Заң күші бар Жарлығында (Қазақстан Республикасы Жоғарғы Кеңесінің Жаршысы, 1995 ж., NN 3-4, 35-құжат; 1995 ж., NN 15-16, 109-құжат; N 20, 121-құжат; Қазақстан Республикасы Парламентінің Жаршысы, 1996 ж., N 1, 180-құжат):

1) 4-баптың екінші бөлігі алынып тасталсын;

2) 6-баптың бірінші бөлігіндегі "қазақ" деген сөзден кейінгі "және" деген сөз "немесе" деген сөзбен ауыстырылсын; "үш" деген сөз "екі" деген сөзбен ауыстырылсын;

3) 13-бап мынадай мазмұндағы екінші бөлікпен толықтырылсын:

"Заңды тұлғалардың филиалдары мен өкілдіктері туралы есептік тіркелімнің деректері мен басқа да мәліметтерді мемлекеттік тіркелімге енгізу тап сондай тәртіппен жү р г і з і л е д і ;

4) 14-баптың бірінші бөлігі "қолданылып жүрген заңдарға сәйкес" деген сөздермен т о л ы қ т ы р ы л с ы н ;

14-баптың екінші бөлігі "енгізілген өзгерістермен бірге" деген сөздерден кейін "не құрылтай құжаттарына өзгерістер мен толықтырулар енгізу туралы өкілетті органның шешімінен алынған көшірме" деген сөздермен толықтырылсын.

7. Қазақстан Республикасы Президентінің "Шаруашылық серіктестіктер туралы" 1995 жылғы 2 мамырдағы N 2255 Заң күші бар Жарлығында (Қазақстан Республикасы Жоғарғы Кеңесінің Жаршысы, 1995 ж., N 7, 49-құжат; NN 15-16, 109-құжат):

1) 6 - б а п т ы ң 4 - т а р м а ғ ы :

"Ақшалай қаражаттан құралған" деген сөздердің алдындағы "Қазақстан Республикасының Ұлттық валютасындағы" деген сөздер алынып тасталсын;

Мынадай мазмұндағы екінші абзацпен толықтырылсын:

"Шаруашылық серіктестігін қайта тіркеген кезде оған қатысушының салымын ақшалай бағалау серіктестіктің бухгалтерлік құжаттарымен не аудиторлық қорытындымен расталуы мүмкін";

2) 9-баптың 3-тармағы "басқа түріне" деген сөздерден кейін "не өндірістік кооперативтерге" деген сөздермен толықтырылсын;

3) 52-баптың 4-тармағы мынадай редакцияда жазылсын:

"4. Жауапкершілігі шектеулі серіктестік акционерлік қоғам немесе өндірістік кооператив болып қайта құрылуы мүмкін";

4) 58-баптың 6-тармағы мынадай редакцияда жазылсын:

"6. Жарғыдағы қосымша акциялар шығарудан туындаған өзгерістер туралы қоғам Әділет органдарына хабарлауға міндетті. Жарғыдағы өзгерістер туралы тіркеуші органға хабарламастан қосымша акциялар шығаруға тыйым салынады".

5) 75-баптың 1-тармағы мынадай редакцияда жазылсын:

"1. Акционерлік қоғам оның акционерлерінің жалпы жиналысының шешімі бойынша жауапкершілігі шектеулі серіктестік немесе өндірістік кооператив болып қайта құрылуға құқылы".

8. Қазақстан Республикасы Президентінің "Өндірістік кооператив туралы" 1995 жылғы 5 қазандағы N 2486 Заң күші бар Жарлығында (Қазақстан Республикасы Жоғарғы Кеңесінің Жаршысы, 1995 ж., N 20, 199-құжат):

7 - б а п т ы ң 6 - т а р м а ғ ы :

бірінші абзацындағы "зерде қызметі нәтижелеріне құқық" деген сөздер "санаткерлік меншік нәтижелеріне құқығы" деген сөздермен ауыстырылсын.

Екінші абзац "ақша қаражатынан ғана тұрған" деген сөздердің алдындағы "Қазақстан Республикасының Ұлттық валютасындағы" деген сөздер алынып тасталсын;

мынадай мазмұндағы үшінші абзацпен толықтырылсын:

"Өндірістік кооперативті қайта тіркеген кезде оның мүшесінің мүліктік жарнасын ақшалай бағалай кооперативтің бухгалтерлік құжаттарымен не аудиторлық қорытындымен расталуы мүмкін".

9. Қазақстан Республикасы Президентінің "Қазақстан Республикасындағы арнайы экономикалық аймақтар туралы" 1996 жылғы 26 қаңтардағы N 2823 Заң күші бар Жарлығының (Қазақстан Республикасы Парламентінің Жаршысы, 1996 ж., N 1, 179-құжат), 13-бабындағы "арнайы экономикалық аймақтың аумағында... Қазақстан Республикасының Әділет министрлігінің уәкілді органы тікелей... жүргізеді" деген сөздер "Қазақстан Республикасының заң актілерінде белгіленген тәртіппен жүзеге асырылады" деген сөздермен ауыстырылсын.

